



Ovaj projekat finansira Evropska unija



Tuzla, 22.11.2021

U okviru regionalnog projekta "Zaustavljanje nasilja nad ženama na Zapadnom Balkanu i u Turskoj: Provođenje normi, promjena mišljenja" koji provodi UN Women uz finansijsku podršku Evropske unije, Udruženje žena Romkinja „Bolja budućnost“ grada Tuzla kao implementacijski partner pod granta „Koristimo dostupne mehanizme kako bismo se zaštitili od nasilja i diskriminacije“ raspisuje:

### JAVNI POZIV za angažovanje Volontera/ki

#### **Pozadina zadatka:**

U okviru regionalnog projekta "Zaustavljanje nasilja nad ženama na Zapadnom Balkanu i u Turskoj: Provođenje normi, promjena mišljenja" koji provodi UN Women uz finansijsku podršku Evropske unije, Udruženje žena Romkinja „Bolja budućnost“ grada Tuzla kao implementacijski partner pod granta „Koristimo dostupne mehanizme kako bismo se zaštitili od nasilja i diskriminacije“ Sveukupni cilj projekta je „Bolji pristup i poboljšanje pružanja usluga za žene iz manjinskih i ugroženih skupina“. Aktivnosti projekta se provode u partnerstvu između aplikantskog udruženja "Bolja budućnost" Tuzla, Udruženja "Romska djevojka-Romani ćej" iz Prnjavora i udruženja Romkinja centar za majke „Nada“ Kakanj. Pojedine aktivnosti projekta se implementiraju sa članicama ženske romske mreže „Uspjeh“.

Kao dio aktivnosti projekta je provođenje kampanje 16 dana aktivizma protiv rodno-zasnovanog nasilja od 25.11. do 10.12.2021 godine, a koja uključuje realizaciju uličnih akcija u Tuzli, Kaknju, Prnjavoru i Visokom navedene u cilju zadataka.

#### **Cilj zadatka:**

Osnovni cilj zadatka je organizovanje, održavanje i učestvovanje na uličnim akcijama u Tuzli, Visokom, Prnjavoru i Kaknju za vrijeme trajanja kampanje 16 dana aktivizma protiv rodno-zasnovanog nasilja.

Ulične akcije će se održati na značajne datume i to:

#### **25. NOVEMBAR- MEĐUNARODNI DAN BORBE PROTIV NASILJA NAD ŽENAMA**

25. novembar je proglašen međunarodnim danom borbe protiv nasilja nad ženama na Prvom feminističkom skupu za Latinsku Ameriku i Karibe koji je održan u Bogoti od 18. do 21. jula 1981. godine. 25. novembar je izabran kako bi se obilježilo ubistvo sestara Mirabal (Patria, Minerva i Marija Tereza) koje se dogodilo 25. novembra 1960. godine. Sestre Mirabal su ubijene od strane pripadnika režima diktatora Rafaela Trujila u Dominikanskoj Republici. 1999. godine, Ujedinjene nacije su zvanično prepoznale 25. novembar kao Međunarodni dan borbe protiv nasilja nad ženama.

Projektni partneri:





Ovaj projekat finansira Evropska unija



## **29. NOVEMBAR- MEĐUNARODNI DAN BRANITELJICA I BRANITELJA ŽENSKIH LJUDSKIH PRAVA**

„Obrana žena - odbrana prava“ je međunarodna kampanja pokrenuta 2004. godine u cilju prepoznavanja i zaštite braniteljica i branitelja ženskih ljudskih prava, aktivistkinja i aktivista koje/se zalažu za ostvarivanje svih ljudskih prava za sve ljude. 29. novembar je dan kad se odaje počast braniteljicama i braniteljima ženskih ljudskih prava, aktivizmu, zalaganju i hrabrim aktima otpora.

### **3. DECEMBAR**

Objedinjujemo 2 značajana datuma i to:

**02.12. Međunarodni dan za ukidanje svih oblika ropstva:** Međunarodni dan borbe za ukidanje ropstva, 2. decembar, predstavlja podsjećanje na dan usvajanja UN Konvencije za suzbijanje trgovine ljudima i iskorištavanja prostitucije drugih (Rezolucija 317 (IV) od 2. decembra 1949. godine). Rezolucijom 57/195 od 18. decembra 2002. godine, Generalna skupština Ujedinjenih Nacija je proglasila 2004. godinu Međunarodnom godinom obilježavanja borbe protiv ropstva i za njegovo ukidanje.

**03.12. Međunarodni dan osoba sa invaliditetom:** Godišnje obilježavanje Međunarodnog dana osoba sa invaliditetom, 3. decembar ima za cilj da promoviše razumijevanje problema invaliditeta i mobilizira podršku za dignitet, prava i dobrobit osoba sa invaliditetom. Obilježavanjem ovog datuma se takone teži ka podizanju svijesti o dobrobitima integrisanja osoba sa invaliditetom u sve aspekte političkog, ekonomskog i kulturnog života. Tema ovog dana je zasnovana na cilju potpunog i jednakog uživanja ljudskih prava i učešća u društvu osoba sa invaliditetom, uspostavljenog od strane Svjetskog programa akcije u vezi sa osobama sa invaliditetom, usvojenog od strane Generalne skupštine Ujedinjenih Nacija 1982. godine.

### **6. DECEMBAR - GODIŠNJICA MONTREALSKOG MASAKRA**

Svakog 6. decembra Kanada, ali i sve svjetske organizacije koje se bore protiv nasilja nad ženama, obilježavaju godišnjicu Montrealskog masakra. Tog je 6. decembra 1989. 25-godišnji Marc Lepine, naoružan poluautomatskom puškom, koju je legalno kupio dvije sedmice ranije, i noževima, u zgradi Elektrotehničkog fakulteta Univerziteta u Montrealu ubio 14 žena i rano trinaest ljudi, devet žena i četiri muškarca, uzvikujući: „Vi ste žene, vi ćete postati inženjerke. Vi ste horda feministkinja. Ja mrzim feministkinje.“ Godišnjica Montrealskog masakra spada među najznačajnije datume 16 dana aktivizma protiv rodno zasnovanog nasilja, budući da podsjeća na jedan od najžurnijih primjera nasilja nad ženama i mizoginije koje je svijet ikad vidio.

### **10. DECEMBAR -MEĐUNARODNI DAN LJUDSKIH PRAVA**

10. decembra, ljudi i države širom svijeta slave donošenje Univerzalne deklaracije o ljudskim pravima (1948). Ovog ključnog datuma u modernoj istoriji, nacije svijeta su se okupile da pokušaju jednom zauvijek zakopati posljedice genocida koji se pokrenuo tokom Drugog svjetskog rata. Donošenje Univerzalne deklaracije o ljudskim pravima je jedno od prvih značajnih dostignuća Ujedinjenih nacija i obezbjedilo je osnovnu filozofiju za mnoge pravno obavezujuće međunarodne dokumente koji su uslijedili.

Projektni partneri:





Ovaj projekat finansira Evropska unija



Po lokaciji i uličnoj akciji predviđeno je angažovanje 2 volontera/ke. Datumi uličnih akcija su prikazani u tabeli ispod.

<b>Datum održavanja</b>	<b>Lokacija</b>	<b>Tema ulične akcije</b>	<b>Potreban broj volontera/ki</b>
25.11.2021	Tuzla, Kakanj, Visoko, Prnjavor	Početak kampanje, Međunarodni dan borbe protiv nasilja nad ženama	2 po lokaciji
29.11.2021	Tuzla, Kakanj, Visoko, Prnjavor	Međunarodni dan braniteljica i branitelja ljudskih prava	2 po lokaciji
03.12.2021	Tuzla, Kakanj, Visoko, Prnjavor	Objedinjuju se dvije tematike u jednu i to: Međunarodno dan za ukidanje svih oblika ropstva i Međunarodni dan osoba sa invaliditetom.	2 po lokaciji
06.12.2021	Tuzla, Kakanj, Visoko, Prnjavor	Godišnjica Montrealskog masakra	2 po lokaciji
10.12.2021	Tuzla, Kakanj, Visoko, Prnjavor	Međunarodni dan ljudskih prava	2 po lokaciji

**Ukupan broj volontera/ki koji će se angažovati po osnovu ovog javnog poziva je 8 i to: 2 iz Tuzle, 2 iz Kakanja, 2 iz Visokog i 2 iz Prnjavora za provođenje svih 5 navedenih uličnih akcija.**

**Dužnosti i odgovornosti volontera/ki:**

- Učestvovati u organizaciji uličnih akcija u navedenim lokacijama na navedene datume
- Tokom uličnih akcija besplatno distribuisati promotivno-edukativni materijal koji će biti izrađen u sklopu kampanje te razgovarati sa građanima/kama u cilju podizanja svijesti na navedene teme sa posebnim akcentom na marginalizovane grupe žena poput Romkinja.
- Za potrebe uličnih akcija i vidljivosti istih dati izjavu za medije koji budu na aktivnosti ,a na osnovu uputa organizatora
- Napraviti fotografije na uličnim akcijama
- Nakon održavanja uličnih akcija dostaviti organizatoru kratki izvještaj o zapažanjima, reakcijama građana sa fotografijama

Projektni partneri:





Ovaj projekat finansira Evropska unija



### **Trajanje i vrijeme zadatka:**

Kampanja se implementira od 25.11. do 10.12.2021 godine na datume uličnih akcija navedenih u tabeli iznad. Sve navedene ulične akcije počinju na gradskim trgovima u 12:00 sati i traju ne duže od dva sata.

Nakon uličnih akcija isti dan angažovani volonteri/ke su dužni poslati organizatoru par fotografija i kratki izvještaj/osvrt, zapažanja o reakcijama građana na događaj.

Zbog procedura o vidljivosti informacije, objave o uličnim akcijama na web stranicama, društvenim mrežama volontera/ki su moguće tek onda kada organizator u ovom slučaju Udruženje žena Romkinja „Bolja budućnost“ grada objavi vijest na svojim kanalima o održanom događaju.

### **Sadržaj prijave:**

Prijave moraju biti na b/h/s jeziku, a podrazumijeva sljedeće:

- CV kandidata/kinje koji sadrži iskustvo u provođenju uličnih akcija;

Prijave treba dostaviti najkasnije do **24.11.2021** na e- mail: [info@bolja-buducnost.org](mailto:info@bolja-buducnost.org) , sa naslovom: "Prijava za volontera/ku".

Samo uži izbor kandidata/kinje će biti kontaktirani.

### **Procedura plaćanja:**

Sa volonterom/kom će biti zaključen odgovarajući ugovor o obavljanju angažmana. Honorar za angažman odabranog volontera/ke predviđen je budžetom projekta i u fiksnom iznosu sa pripadajućim porezima koji se uplaćuje nakon obavljenog posla i ispunjavanja ciljeva zadataka odnosno provođenja svih 5 uličnih akcija na žiro račun volontera/ke.

Zahvaljujemo na Vašem interesu.

Udruženje žena Romkinja „Bolja budućnost“ grada Tuzla  
Hadži Hasan age Pašića bb, 75000 Tuzla, BiH  
Tel/fax: 035 298 001  
E-mail: [info@bolja-buducnost.org](mailto:info@bolja-buducnost.org)  
[www.bolja-buducnost.org](http://www.bolja-buducnost.org)

Projektni partneri:

